

Učenica generacije Mersiha Jaskić dobila je priznanje i nagradu reisu-l-uleme Huseina ef. Kavazovića



Zajednička fotografija učenica i učenika generacije

Dana 8. lipnja 2015. god. u Gazi Husrev-begovoj biblioteci u Sarajevu u organizaciji Uprave za znanost i obrazovanje Rijasetu održana tradicionalna manifestacija „Maturalni dan“, za učenike završnih razreda medresa, Prve bošnjačke gimnazije iz Sarajeva i Islamske gimnazije dr. Ahmeda Smajlovića iz Zagreba. Svečanosti su prisustvovali uvaženi reisu-l-ulema Husein ef. Kavazović, direktor Uprave za znanost i obrazovanje dr. Enes Karić, ministrica obrazovanja Federacije BiH dr. Elvira Dilberović, ravnatelji odgojno-obrazovnih ustanova Islamske zajednice među kojima i naš ravnatelj Mevludi ef. Arslani te drugi uzvanici i gosti.

Prvi se ovogodišnjim maturantima obratio direktor Uprave za znanost i obrazovanje akademik dr. Enes Karić, koji je u svojoj kratkoj besjedi čestitao ovogodišnjim maturantima, njihovim profesorima, odgojiteljima i odgojiteljicama te njihovim roditeljima, naglasivši važnost odgojno-obrazovnih ustanova Islamske zajednice u očuvanju islamske kulture, tradicije i civilizacije. U ime ravnatelja i dekana odgojno-obrazovnih ustanova Islamske zajednice, skupu se obratio dekan Fakulteta islamskih nauka u Sarajevu prof. dr. Zuhdija Hasanović koji se također pridružio čestitkama maturantima stavljajući naglasak na entuzijazam, ljubav,

dosljednost i istrajnost koju dionici u procesu odgoja i obrazovanja u našim odgojno-obrazovnim ustanovama svjedoče.

Na kraju svečanosti ovogodišnjim učenicima generacije priznanja i nagrade uručili su im reisu-l-ulema Husein ef. Kavazović i ravnatelj Uprave za znanost i obrazovanje dr. Enes Karić. Čestitajući maturantima, uvaženi reisu-l-ulema Kavazović istaknuo da je ovaj dan značajan za cijelu Islamsku zajednicu. Hajir dovu proučio je hfz. Aid ef. Tulek, ravnatelj Karadžoz-begove medrese u Mostaru.



Valja naglasiti da odlukom Razrednoga vijeća 4. razreda naše škole učenicom pete generacije gimnazijalaca proglašena je Mersiha Jaskić. Čestitamo našoj Mersihi, uz molbu Svevišnjem Allahu da joj bude na pomoći u njenom daljnjem školovanju i obrazovanju.